

# Segunda Carta de SAN JUAN

## La verdad y el amor

<sup>1</sup>Yu, cabucu camasī majū, mūjāā, Dios ya poa macāāna cū cabesericarārē mūjāā yu woajoya ati carta mena. Bairi aperā Dios ya poa macāāna caāniparā cūrē yu woajoya nipetiro, caānorē bairo yu camairā majūrē. Yu jeto mee baipua mūjāārē yu maiña. Nipetiro aperā Dios yaye macāājē cariape quetire catūgori majā cūa mūjāārē maiñama. <sup>2</sup>Mūjāārē nūñamaiña Jesucristo yeri pūnarē caānorē bairo marī yeripu jicārōa marī cacūgoro jūgori. Ti yeri pūna puame marī mena nicoā ninucūgaro tocānacā rūmua. <sup>3</sup>Dios, marī Pacu majū, bairi Jesucristo cū macū mena caroa macāājē, caroare cū jonemoáto mūjāārē. Bairi tunu cariape yerijōrō āmeo ñamairīqūe cūrē mūjāā cū jonemoáto.

<sup>4</sup>Apeyera būtioro yu useaniña aperā jicārārē mūjāā mena macāāna caroaro cariape marī Pacu Dios cū caānirotirore bairo na caátiānieriñarī. <sup>5</sup>Bairi āmerē, yu yarā, yu bairārē bairo caāna, yu camairā, marī nipetiro tocānacāpua marī caāmeomairō yu boyta. Atie mūjāārē yu caquetibujurique ape wāme, cawāma wāme quetibujurique mee niña. Tirāmupua caānjūgoripaupua marī camasijūgorique niña.

<sup>6</sup>Āmeo mairīqūe puame atore bairo ñanajē cūtaje niña: Dios marī caátiānipeere cū caroticūriqūe caírōrē bairo marī caāno ñuña. Tie Dios cū caroticūriqūrē merē mūjāā tūgoyupa caānjūgoripaupua. Tie puame marī caāmeomaimasirījē mena marī caānipeere átirotiyupa.

## Los engañadores

<sup>7</sup>Ati umeurecōopure capāārārē ñaniñesēñama camasārē caítoñesēñariñ majā. Na puame Jesucristo ati yepapu marírē bairo ati rupau cacūgou majū cū caatájere camasārē na quetibujuetinucūñama. Bairi ni ûcū tore bairo caíquetibujuecu puame caítopal, Jesucristo wapacu ûcū majū niñami. <sup>8</sup>Bairi tūgoña masiña, caroaro mūjāā caátiānie wapa caānipee to yasieticōáto irā. Tie mūjāā caátiānie wapa nipetirore jicārō tāni Dios cū cajopeere mūjāā cacūgopetiro roque ñuña.

<sup>9</sup>Bairi ni jicāu ûcū, “Jesucristo cū caquetibujurique netojāñurō caānimajūrījērē yu masiña,” caípuame Dios mena jicārōrē bairo caācū mee ñiñami. Apei, Jesucristo cū caquetibujuriquere bairo cariapea caquetibuju puame roque Dios mena, bairi cū macū mena cūrē

tūgoñatutuari caroaro ãnicõã masiñami.<sup>10</sup> Bairi, “Jesucristo cū caquetibujurique netojãñurõ cañimajûrijérẽ yu masiña,” caibotioú ūcū mujáärẽ cū caíñau etaáta, caroaro mena cū bocá, cū jénirõ, mujáä ya wiipu cū qüénoeticõâna.<sup>11</sup> Cū ūcûrẽ bocári, cajénii puame, cū mena macâäcū rorije cū caátiere cûrẽ bairo caátiäcū tuabujoúmi.

#### Palabras finales

<sup>12</sup>Bairopua, capee majû nimiña mujáärẽ yu caquetibujugarije.

Cabaimiatacûärẽ, ati carta mena mujáärẽ yu quetibuju woatujogaetiya. Bairi mujáärẽ yu majûphua iñau etari, mujáärẽ yu quetibujugaya Dios yaye quetire. Bairo yu cabaiata, nipetiro caroaro ñe ûnie rusauto useanirõ marí ãnibujiorã.

<sup>13</sup>Ato macâäna Dios ya poa macâäna, mujáärẽ bairo caâna mujâä yarâ, Dios cū cabesericarâ mujâä ñurotijoyama.

Tocárõä niña atie queti yu cawoajorije.